



RAPORT I VITIT 2025 PËR PROCESIN E KONSULTIMIT PUBLIK TË REALIZUAR NGA MINISTRIA E DREJTËSISË

1. Përmbledhje ekzekutive


Gjatë vitit 2025, Ministria e Drejtësisë ka përmbushur në masën 100% detyrimin për konsultim publik të akteve të miratuara, objekt i ligjit nr.146/2014 “Për njoftimin dhe konsultimin publik”. Konkretisht është konsultuar nëpërmjet publikimit në Regjistrin Elektronik të Njoftimit dhe Konsultimit Publik dhe aktiviteteve të tjera konsultative:

1. Projektligji “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar”;
2. Projektligji “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse”.
3. Projektligji “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar”.

Realizimi i procesit të konsultimit publik për vitin 2025 është 100%.

Procesi i Konsultimit Publik krahasuar me vitin e kaluar është përmirësuar, format e përzgjedhura të konsultimit kanë rezultuar efektive duke mundur mbledhjen dhe reflektimin e reagimeve të palëve të interesit në draftin përfundimtar më qëllim krijimin e një ligji të gjithëpranuar dhe që reflekton interesin e publikut. Rritja e pjesëmarrjes së qytetarëve në procesin e vendimarrjes nëpërmjet procesit të konsultimit publik mbetet sfida për t’u adresuar edhe më mirë nga institucioni ynë në të ardhmen.

Fig.1: Projektakte të konsultuara gjatë të vitit 2025



2. Analiza e konsultimeve të kryera gjatë vitit 2025

2.1. Numri i përgjithshëm i akteve për të cilat janë kryer konsultimet publike

2.1.1 Cili ishte numri i përgjithshëm i akteve të miratuara në një vit të caktuar?

Numri i përgjithshëm i akteve të miratuara nga Ministria e Drejtësisë për vitin 2025 është 11 akte.

2.1.2 Sa akte janë konsultuar dhe sa jo?

3 (tre) akte janë miratuar gjatë vitit 2025, të cilat i janë nënshtruar procesit të konsultimit publik. Në lidhje me pjesën tjetër të akteve të cilat janë miratuar, konkretisht 8 prej tyre, nuk kanë qenë objekt i konsultimit publik në përputhje me parashikimet e ligjit nr.146/2014 “Për njoftimin dhe konsultimin publik”.

2.1.3 Sa ligje me raport VNR-je janë konsultuar?

- Projektligji “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar”,
- Projektligji “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse”;
- Projektligji “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar,

i janë nënshtruar procesit të konsultimit gjatë vitit 2025, dhe janë shoqëruar nga raporti përkatës VNR.

2.1.4 Për sa akte në a) Program Analitik, PKIE, Dokumenta strategjik janë përdorur kriteret përjashtuese nga konsultimet publike? Cilat janë arsyet kryesore për të mos u konsultuar (nëse do të kishte të tilla)

Në zbatim të nenit 1, të ligjit nr.146/2014 “Për Njoftimin dhe Konsultimin Publik” përcaktohet shprehimisht se ky ligj rregullon procesin e konsultimit publik për projektligjet dhe projektdokumentet strategjike kombëtare dhe vendore, dhe për pasojë nga ana jonë konsultimi publik është parashikuar të realizohet vetëm për projektaktet që kanë detyrimin për t’iu nënshtruar këtij procesi në përputhje me parashikimet e nenit 1 të ligjit të lartpërmendur. Ndërsa në nenin 4 të ligjit “Për njoftimin dhe konsultimin publik” është parashikuar lista e projektakteve që nuk i nënshtrohet procesit të konsultimit publik, siç janë çështjet e sigurisë kombëtare që përbëjnë sekret shtetëror, marrëveshjet ndërkombëtare, aktet normative të KM me fuqinë e ligjit, emergjenca civile dhe çështje të tjera të parashikuara me ligj.

Janë planifikuar për konsultim publik vetëm projektligjet dhe projektdokumentat strategjike duke përjashtuar projektvendimet në përputhje kjo me parashikimet e ligjit për njoftimin dhe konsultimin publik.

Në zbatim të vendimit të Këshillit të Ministrave nr.818/2024 “Për miratimin e programit të përgjithshëm analitik të projektakteve që do të paraqiten për shqyrtim në Këshillin e Ministrave gjatë vitit 2025”, për vitin 2025 janë parashikuar të miratohen 7 akte, ku 3 prej tyre përjashtohen nga detyrimi për t’iu nënshtruar procesit të konsultimit publik, pasi konsiderohen si akte administrative individuale dhe akte administrative me karakter normativ. Aktet të cilat janë përjashtuar nga detyrimi për t’iu nënshtruar procesit të konsultimit publik nuk kanë qenë të parashikuar në PKIE apo të kenë lidhje me strategjitë kombëtare dhe sektoriale.

2.1.5 Cila ishte struktura e akteve të konsultuara (sa projektligje, VKM, rregullore ministrare, etj.)?

Aktet e miratuara objekt i konsultimit publik gjatë vitit 2025, kanë qenë 3 projektligje, konkretisht projektligji “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar”; Projektligji “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse”; dhe Projektligji “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar

Fig.2: Projektakte të konsultuara gjatë vitit 2025



2.1.6 A është përmirësuar situata në krahasim me vitin e kaluar?

Krahasuar me vitin e kaluar më parë, konkretisht me konsultimin në vitin 2024, lidhur me kriteret apo përjashtimet nga konsultimet publike rezulton se numri i akteve të përjashtuara nga ky proces është më i ulët, pasi në vitin 2024, kanë qenë të përjashtuara më shumë akte si akte administrative individuale apo me karakter normative.

2.2.Metodat e konsultimit

2.2.1 Cilat ishin metodat më të përdorura të konsultimit? (Jepni numrin e konsultimeve të kryera për secilën metodë - regjistrin elektronik, postën elektronike, faqet e internetit, takimet publike, komitetet këshilluese, etj.)

Metodat e përdorura për konsultimin publik gjatë kësaj periudhe ishin 3 (tre):

1. Konsultimi në faqen zyrtare online të konsultimit publik;
2. Përcjellja e komenteve në rrugë postare dhe nëpërmjet postës elektronike të koordinatorit për konsultimin publik;

3. Tryeza konsultimi të zhvilluara në Ministrinë e Drejtësisë me pjesëmarrës nga të gjithë grupet e interesit të evidentuara nga punonjësit e Ministrisë së Drejtësisë.

I. Projektligji “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar””, i është nënshtruar një procesi të zgjeruar konsultimi publik nëpërmjet disa metodave si vijon:

a. Njoftimi paraprak mbi ndryshimin e ligjit nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar””, në periudhën tetor – nëntor 2024. Ministria e Drejtësisë dhe Agjencia e Trajtimit të Pronave, me asistencën e Zyrës së Këshillit të Evropës në Shqipëri, kanë kryer disa takime me grupet e interesit, gjyqtarë, avokatë, përfaqësues të institucioneve shtetërore, si dhe Ministrinë e Financave, në datat 30.10.2024, 13.11.2024 dhe 14.11.2024. Në këto takime u diskutua mbi ndryshimet e nevojshme në ligjin nr.133/2015, të ndryshuar.

b. Konsultimi në portalin “Regjistri Elektronik për Njoftimet dhe konsultimet Publike” për periudhën 02.12.2024 – 30.12.2024, gjatë së cilës nuk janë përcjellë komente përmes këtij portali.

Aktivitetet e realizuara:

Tetor 2024 - identifikimi i grupeve të interesit, përzgjedhja e metodave të konsultimit, nga struktura përgjegjëse për hartimin e projektligjit “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar””.

02.12.2024 – 30.12.2024, projektligji, në zbatim të ligjit nr.146/2014, i nënshtrohet procesit të konsultimit në portalin e “Regjistrit elektronik për Njoftimeve dhe Konsultimeve Publike”

Projektligji, relacioni shpjegues, dokumenti i konsultimit publik, si dhe Raporti i Vlerësimit të Ndikimit janë publikuar në RENJK ku çdo i interesuar është njohur me dokumentet përkatëse. Gjithashtu, institucionet me të cilat është kryer konsultimi janë njohur me këto dokumente përmes përcjelljes së tyre në rrugë zyrtare. Kontributet në kuadër të procesit të konsultimit dhe përmirësimit të përmbajtjes së projektligjit, janë përcjellë nëpërmjet postës elektronike drejtuar Ministrisë së Drejtësisë, në adresën postare të Ministrisë së Drejtësisë Bulevardi “Zogu I-rë”, Tiranë, si dhe nëpërmjet adresës së e-mailit të koordinatorit për njoftimin dhe konsultimin publik.

II. Projektligji “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar”, i është nënshtruar një procesi të zgjeruar konsultimi publik nëpërmjet disa metodave si vijon:

Metodat e konsultimit publik të përdorura si vijon:

a. Konsultimi në portalin “Regjistri Elektronik për Njoftimet dhe Konsultimet Publike”, për periudhën 23.10.2025 – 20.11.2025, gjatë së cilës janë përcjellë komente përmes këtij portali.

Aktivitetet e realizuara:

23.10.2025 – 20.11.2025, projektligji në zbatim të ligjit nr.146/2014, i nënshtrohet procesit të konsultimit në portalin e “Regjistrit Elektronik për Njoftimet dhe Konsultimet Publike”.

Projektligji, relacioni shpjegues, si dhe dokumenti i konsultimit publik janë publikuar në RENJK ku çdo i interesuar është njohur me dokumentet përkatëse. Gjithashtu, institucionet me të cilat është kryer konsultimi janë njohur me këto dokumente përmes përcjelljes së tyre në rrugë zyrtare. Kontributet në kuadër të procesit të konsultimit dhe përmirësimit të përmbajtjes

së projektligjit, janë përcjellë nëpërmjet portalit të RENJK, si dhe në rrugë zyrtare nga institucionet pranë të cilëve është përcjellë për mendim projektakti. Gjithashtu komente janë përcjellë edhe përmes email-it zyrtar të Ministrisë së Drejtësisë.

III. Projektligji “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse”, i është nënshtruar një procesi të zgjeruar konsultimi publik nëpërmjet disa metodave si vijon:

Metodat e konsultimit publik të përdorura si vijon:

a. Konsultimi në portalin “Regjistri Elektronik për Njoftimet dhe Konsultimet Publike”, për periudhën 05.05.2025 – 02.06.2025, gjatë së cilës janë përcjellë komente përmes këtij portali.

Aktivitetet e realizuara:

Prill 2025 - identifikimi i grupeve të interesit, përzgjedhja e metodave të konsultimit nga struktura përgjegjëse për hartimin e projektligjit “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse”, hartimi i projektligjit dhe dokumenteve shoqëruese.

05.05.2025 – 02.06.2025, projektligji në zbatim të ligjit nr.146/2014, i nënshtrohet procesit të konsultimit në portalin e “Regjistrimit Elektronik për Njoftimet dhe Konsultimet Publike”.

Projektligji, relacioni shpjegues, si dhe dokumenti i konsultimit publik janë publikuar në RENJK ku çdo i interesuar është njohur me dokumentet përkatëse. Gjithashtu, institucionet me të cilat është kryer konsultimi janë njohur me këto dokumente përmes përcjelljes së tyre në rrugë zyrtare. Kontributet në kuadër të procesit të konsultimit dhe përmirësimit të përmbajtjes së projektligjit, janë përcjellë nëpërmjet portalit të RENJK, si dhe në rrugë zyrtare nga institucionet pranë të cilëve është përcjellë për mendim projektakti.

Fig. 3: Metodat e konsultimit publik



2.2.2 Cila metodë konsultimi gjeneroi numrin më të madh të komenteve?

Kontributet në kuadër të procesit të konsultimit dhe përmirësimit të përmbajtjes së projektligjit, janë përcjellë nëpërmjet postës elektronike drejtuar Ministrisë së Drejtësisë, në adresën postare të Ministrisë së Drejtësisë Bulevardi “Zogu I-rë”, Tiranë, si dhe nëpërmjet adresës së e-mailit të koordinatorit për njoftimin dhe konsultimin publik.

Metoda e cila ka gjeneruar numrin më të madh të komenteve është adresa elektronike së bashku me publikimin e aktit përkatës në faqen e Regjistrat Elektronik për Njoftimet dhe Konsultimet Publike.

2.2.3 A organizoi ministria gjithashtu disa konsultime paraprake në fazat e hershme të hartimit? Nëse po, në sa raste?

Projektligji “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar”¹, i është nënshtruar procesit të konsultimit paraprak në fazën e hershme të draftimit të tij.

2.3.Kohëzgjatja e konsultimeve

2.3.1 Sa konsultime ishin të hapura për 20 ditët e kërkuara? Cila ishte periudha më e gjatë apo më e shkurtër e kohëzgjatjes?

Konsultimi në Regjistrin Elektronik për Njoftimet dhe Konsultimet Publike u realizua në përputhje me përcaktimet në nenin 15 të ligjit.

Konsultimi elektronik për projektligjin “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar”¹, u zhvillua me kohëzgjatë prej 20 ditësh pune, për periudhën nga data 02.12.2024 – 30.12.2024, gjatë së cilës nuk janë përcjellë komente përmes këtij portali.

Konsultimi elektronik për projektligjin “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar”², u zhvillua për periudhën 23.10.2025 – 20.11.2025, gjatë së cilës janë përcjellë komente përmes këtij portal.

Konsultimi elektronik për projektligjin “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse”³, u zhvillua për periudhën 05.05.2025 – 02.06.2025, gjatë së cilës janë përcjellë komente përmes këtij portali.

2.3.2 Cila ishte kohëzgjatja mesatare e konsultimit?

¹ <https://konsultimipublik.gov.al/Konsultime/Detaje/803>

² <https://konsultimipublik.gov.al/Konsultime/Detaje/889>

³ <https://konsultimipublik.gov.al/Konsultime/Detaje/832>

Kohëzgjatja mesatare e konsultimit për këtë periudhë ishte 3 (tre) muaj. Kjo përlogaritje është bërë duke patur në vëmendje kohën (numrin e muajve) gjatë të cilës ka filluar puna për identifikimin e grupeve të interesit, hartimin e draftit, publikimin e tij në RENJK, zhvillimin e takimeve konsultative, marrjen dhe vlerësimin e komenteve dhe përgatitjen e një drafti final për projektaktin.

2.3.3 A është përmirësuar situata në krahasim me vitet e kaluara?

Në krahasim me vitin e kaluar situata ka pasur një përmirësim relativisht të dukshëm të procesit të konsultimit, pasi interesi i publikut në procesin e konsultimit publik rezulton të jetë në ngritje. Një nga proceset që mund të përdoret me qëllim përmirësimin e kësaj situatë është zhvillimi sesioneve të ndryshme njohëse me portalin e RENJK me aktorë të ndryshëm.

Gjatë vitit 2025, Ministria e Drejtësisë rezulton me një shkallë realizimi të procesit të konsultimit publik 100 %, por jemi të mendimit se situata lidhur me këtë proces është përmirësuar në krahasim me vitin apo vitet paraardhëse.

Të dhënat e përfthuara nga Regjistri Elektronik për Njoftimet dhe Konsultimet Publike tregojnë se është ulur numri i vizitorëve përkatësisht 4862 për vitin 2025, ndërsa gjatë vitit 2024 numri ka qenë 6109. Gjatë vitit 2024 vihet re një interes më i ulët në lidhje me komentet e përcjella përmes platformës së regjistrimit elektronik.




Fig 4: Krahasim i numrit të vizitorëve të RENJK përgjatë vitit 2025 dhe 2024

2.4. Palët e interesit të përfshira

2.4.1 Sa palë interesi të jashtme morën pjesë në grupet e punës për hartimin e akteve gjatë vitit? Sa eksperte ishin në tryeza?

Organizatat e Shoqërisë Civile dhe partnerët ndërkombëtarë kanë kontribuar në konsultimin e hershëm të akteve që në fazën e draftimit. Numri i ekspertëve të cilët kanë dhënë kontributet e tyre gjatë vitit 2025 ka qenë 9.

- Hartimi i projektligjit “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar”, ka nisur nga

Ministria e Drejtësisë, në vijim të problematikave të identifikuara nga Agjencia e Trajtimit të Pronave. Me qëllim sigurimin e hartimit të një ligji efektiv në praktikë, janë zhvilluar disa tryeza me grupet e interesit, avokatë, ekspertë, gjyqtarë dhe përfaqësues të institucioneve shtetërore, në të cilat është diskutuar mbi problematikat e evidentuara dhe rekomandimet mbi zgjidhjen e tyre.

- Hartimi i projektligjit “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse”, në vijim të vendimit nr.62/2023 të Gjykatës Kushtetuese me qëllim harmonizimin e ligjit nr.80/2021, me këtë vendim është vijuar me hartimin e projektligjit në përputhje me legjislacionin në fuqi dhe rregullat e teknikës legjislative. Më pas, është vijuar me publikimin në RENJK, me qëllim njohjen me përmbajtjen e tij nga të gjithë palëve të interesuara. Gjithashtu, nëpërmjet rrugëve zyrtare projektligji i është dërguar për mendim institucioneve të interesuara.
- Hartimi i projektligjit “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar”, ka nisur me qëllim përmbushjen e piketave të ndërmjetme në kuadër të integritetit të vendit në BE, adresimin e boshllëqeve, rasteve të transpozimit të paplotë ose të pasaktë në Kodin Penal në fuqi, si dhe sigurimin e transpozimit të plotë të Kodit Penal me shtatë aktet ligjore të BE-së për përmbushja e piketave të ndërmjetme, është vijuar me hartimin e projektligjit në përputhje me legjislacionin në fuqi dhe rregullat e teknikës legjislative. Më pas, është vijuar me publikimin në RENJK, me qëllim njohjen me përmbajtjen e tij nga të gjithë palëve të interesuara. Gjithashtu, nëpërmjet rrugëve zyrtare projektligji i është dërguar për mendim institucioneve të interesuara.

2.4.2 Cila ishte struktura e anëtarëve të jashtëm të grupeve të punës (ekspertë individual, OSHC, kompani, etj.)

Për hartimin e projektligjit “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar”, janë zhvilluar disa tryeza me grupet e interesit, avokatë, ekspertë, gjyqtarë dhe përfaqësues të institucioneve shtetërore.

Për hartimin e projektligjit “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar”, janë përcjellë komente nga ana e ekspertëve individual si avokat dhe një organizate jofitimprurëse.

Për hartimin e projektligjit “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse”, janë përcjellë komente nga ana e një organizate jofitimprurëse.

2.4.3 Sa palë të interesuara morën pjesë/dhanë komente në konsultime të hapura të bëra për projekt-akte në vitin e caktuar?

Gjatë procesit të konsultimit publik kanë dhënë komente dhe kontribute 9 grupe interesi, ku përfshihen ish pronarët dhe përfaqësuesit ligjorë të tyre, ekspertë të ndryshëm, organizata jofitimprurëse.

Fig. 4: Numri i komenteve të mbledhura



2.4.4 Cila ishte struktura e kontribuesve në konsultimet publike, sa persona, sa persona juridikë (ndërmarrje, shoqata, etj.)?

Struktura e përfaqësuesve kontribues në konsultimet publike ishin:

1. Ish pronarë;
2. Avokatë;
3. Ekspertë;
4. Gjyqtarë;
5. Organizata jofitimprurëse

2.4.5 A është përmirësuar situata në krahasim me vitet e kaluara?

Vlerësojmë se situata në krahasim me vitet e kaluara ka ardhur në përmirësim. Kjo gjë konstatohet nga rritja e numrit të pjesëmarrësve në tryezat e konsultimit të organizuara nga Ministria e Drejtësisë. Gjithashtu, edhe një tjetër tregues rezulton dhe nga monitorimi i portalit të Regjistrimit Elektronik për Njoftimet dhe Konsultimet Publike.

Gjatë vitit 2025, Ministria e Drejtësisë rezulton me një shkallë realizimi të procesit të konsultimit publik 100 %, por jemi të mendimit se situata lidhur me këtë proces është përmirësuar në krahasim me vitin apo vitet paraardhëse.

2.5.Rekomandimet dhe komentet e marra

2.5.1 Sa është numri i rekomandimeve dhe komenteve të marra gjithsej dhe mesatarja për çdo konsultim?

Përmes faqes së konsultimit publik nëpërmjet regjistrimit elektronik për njoftimet dhe konsultimet publike ka patur komente.

Për sa i përket projektligjit “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar” numri i komenteve të dërguara nëpërmjet faqes së konsultimit publik dhe komunikimeve elektronike është 5.

Për sa i përket projektligjit “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar”, numri i komenteve të dërguara nëpërmjet faqes së konsultimit publik dhe komunikimeve elektronike është 48.


Për sa i përket projektligjit “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse””, numri i komenteve të dërguara nëpërmjet faqes së konsultimit publik dhe komunikimeve elektronik është 3.

2.5.2 Sa prej tyre u pranuan, u pranuan pjesërisht ose u refuzuan?

Për projektaktin e konsultuar gjatë vitit 2025 numri total i komenteve të përcjella ka qenë 56 (pesëdhjetëegjashtë), prej të cilave:

- 3 janë pranuar plotësisht
- 52 janë refuzuar
- 1 është pranuar pjesërisht

Fig.6 : Numri i komenteve të pranuar, të pranuar pjesërisht dhe të refuzuara



2.5.3 Cila është tendenca nëse krahasohet me vitet e kaluara?

Vlerësojmë se situata në krahasim me vitet e kaluara ka ardhur duke u përmirësuar. Kjo gjë konstatohet nga rritja e numrit të pjesëmarrësve në tryezat e konsultimit të organizuara nga Ministria e Drejtësisë. Gjithashtu, edhe nga monitorimi i portalit të Regjistrimit Elektronik për Njoftimet dhe Konsultimet Publike vërehet një rritje e numrit të komenteve të përcjella nga qytetarët përmes kësaj platforme.

2.5.4 Sa raporte të VNR-së janë ndryshuar/përditësuar në bazë të informacionit/të dhënave të marra gjatë konsultimit publik?

Asnjë raport VNR nuk është ndryshuar apo përditësuar në bazë të informacionit të marrë gjatë konsultimit publik.

2.6.Rezultatet e raporteve të konsultimeve

2.6.1 Sa raporte konsultimesh publikoi ministria?

Ministria e Drejtësisë ka hartuar dhe publikuar në portalin e regjistrimit elektronik për njoftimet dhe konsultimet publike (RENJK) raportin individual të konsultimit për tre projektaktet konkretisht:

- Raport konsultimi për Projektligjin “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar””;
- Raport konsultimi për Projektligjin “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar”;
- Raport konsultimi për Projektligjin “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse””.

2.6.2 Nëse disa nuk u botuan, cilat janë arsyet?

Për vitin 2025 Ministria e Drejtësisë ka hartuar raportin e konsultimit për të gjitha projektaktet për të cilat ishte planifikuar procesi i konsultimit publik, ku 3 (tre) prej tyre janë publikuar në portalin e regjistrimit elektronik për njoftimet dhe konsultimet publike (RENJK).

2.7 Vetëvlerësimi i institucionit në lidhje me Indeksin e cilësisë së performancës institucionale në përputhje me kërkesat e ligjit për njoftimin dhe konsultimin publik (Jepni informacion për rezultatin mesatar për të gjitha aktet e institucionit, subjekt të konsultimeve publike, bazuar në pikët e rezultateve)

- Projektligji “Për disa ndryshime në ligjin nr.133/2015 “Për trajtimin e pronës dhe përfundimin e procesit të kompensimit të pronave”, të ndryshuar”, 8.
- Projektligji “Për disa shtesa dhe ndryshime në ligjin nr. 7895, datë 27.1.1995 “Kodi Penal i Republikës së Shqipërisë”, të ndryshuar”; 8.
- Projektligji “Për disa shtesa dhe ndryshime në ligjin nr. 80/2021 “Për regjistrimin e organizatave jofitimprurëse””. 8.

3.Sfidat, rreziqet kryesore dhe mundësitë për të ardhmen

Sfidat kryesore që paraqet konsultimi publik lidhen më së shumti me gjithëpërfshirjen e publikut në këtë proces. Ende nuk reflektohet qartësisht një kulturë e angazhimit në proceset e hartimit të politikave. Megjithë përpjekjet dhe mundësitë e ofruara nga Ministria e Drejtësisë, ende nuk ka përfshirje aktive të publikut në procesin e dhënies së rekomandimeve apo qëndrimeve për përmbajtjen e projektakteve që hartohen. Për periudhën e ardhshme, me qëllim përmirësimin e procesit, organizimi i konsultimeve është planifikuar të orientohet edhe më shumë përmes informimit më aktiv të publikut për përfshirjen në procesin e konsultimit publik. Mendojmë se për të përmirësuar procesin e konsultimit publik dhe për të siguruar një përfshirje sa më të madhe të publikut në këtë proces, është e nevojshme dhe zhvillimi i trajnimeve mbi procesin e konsultimit publik për të gjithë punonjësit që merren me hartim legjislativ. Kjo do të mundësonte një njohje dhe përdorim edhe më të mirë e të shtuar të metodave gjatë procesit të konsultimit publik.